



নির্বাচন অগ্রাধিকার
অতীব দ্রুত

বাংলাদেশ নির্বাচন কমিশন
নির্বাচন কমিশন সচিবালয়

নং-১৭.০০.০০০০.০৭৯.৪০.০০২.২৪-১৬৪

তারিখ: ২১ চৈত্র ১৪৩০
০৪ এপ্রিল ২০২৪

পরিপত্র-৫

বিষয় : ষষ্ঠ উপজেলা পরিষদ সাধারণ নির্বাচন উপলক্ষে চেয়ারম্যান, ভাইস-চেয়ারম্যান এবং মহিলা ভাইস-চেয়ারম্যান পদে সাধারণ নির্বাচনে প্রার্থীদের সম্ভাব্য নির্বাচনি ব্যয় এবং উৎসের বিবরণী এবং নির্বাচনি ব্যয়ের রিটার্ন দাখিল সংক্রান্ত

উপর্যুক্ত বিষয়ে নির্দেশিত হয়ে জানানো যাচ্ছে যে, ষষ্ঠ উপজেলা পরিষদ নির্বাচন উপলক্ষে চেয়ারম্যান, ভাইস-চেয়ারম্যান, মহিলা ভাইস-চেয়ারম্যান পদে নির্বাচনের জন্য প্রতিদ্বন্দ্বী প্রার্থীদের নির্বাচনি ব্যয়ের সীমা উপজেলা পরিষদ নির্বাচন বিধিমালা, ২০১৩-এর বিধি ৫১ এবং নির্বাচনি ব্যয়ের বিবরণী ও রিটার্ন দাখিল করার সময়সীমা বিধি ৫৩-তে নির্ধারিত রয়েছে। এছাড়া সংশ্লিষ্ট বিধিমালায় নির্বাচনি ব্যয় নির্বাহের জন্য প্রয়োজনীয় তহবিলের সম্ভাব্য উৎস সম্পর্কে বিধি ৫০ এবং নির্ধারিত ফরমে দাখিল করার বিধান ও পদ্ধতি রয়েছে।

২। **নির্বাচনি ব্যয় নির্বাহের সম্ভাব্য উৎসের বিবরণী দাখিলঃ** উপজেলা পরিষদ নির্বাচন বিধিমালা, ২০১৩ এর বিধি ৫০ এর উপ-বিধি (১) অনুযায়ী প্রত্যেক প্রার্থী রিটার্নিং অফিসারের নিকট মনোনয়নপত্রের সাথে তার নির্বাচনি ব্যয় নির্বাহের জন্য প্রয়োজনীয় তহবিলের সম্ভাব্য উৎস সম্পর্কে নিম্নেবর্ণিত তথ্যসমূহ প্রদর্শনপূর্বক ফরম “ঢ” তে একটি বিবরণী দাখিল করবেন, যথা:

- নিজ আয় হতে যে অর্থের সংস্থান করা হবে তার পরিমাণ এবং উক্ত আয়ের উৎস;
- আত্মীয়-স্বজনের নিকট হতে কর্জ করা হবে বা দান হিসেবে পাওয়া যাবে এরূপ সম্ভাব্য অর্থ এবং তাদের আয়ের উৎস;
- কোন প্রতিষ্ঠান বা সংস্থা হতে স্বেচ্ছা প্রদত্ত দান বাবদ প্রাপ্য সম্ভাব্য অর্থ; এবং
- অন্য কোন উৎস হতে প্রাপ্য এরূপ অর্থ এবং উক্ত আয়ের উৎস।

ব্যাখ্যা- এ উপ-বিধিতে “আত্মীয়-স্বজন” অর্থ স্বামী বা স্ত্রী, মাতা, পিতা, পুত্র, কন্যা, ভ্রাতা বা ভগ্নী।

৩। **আয়কর রিটার্ন দাখিল ও কর পরিশোধের প্রমাণপত্র:** উপজেলা পরিষদ নির্বাচন বিধিমালা, ২০১৩ এর বিধি ৫০ এর উপ-বিধি (২) অনুসারে সম্ভাব্য উৎসের বিবরণীর সাথে প্রার্থী আয়কর দাতা হলে, তার সম্পদ বিবরণী সম্বলিত সর্বশেষ দাখিলকৃত আয়কর রিটার্ন দাখিলের প্রমাণ সংক্রান্ত কাগজপত্র মনোনয়নের সাথে সংযুক্ত করে দাখিল করতে হবে।

৪। **সম্ভাব্য নির্বাচনি ব্যয় ও উৎসের বিবরণী, আয়কর রিটার্ন এবং আয়কর পরিশোধের প্রমাণপত্র রিটার্নিং অফিসার ও নির্বাচন কমিশনে দাখিল ও প্রেরণ:** উপজেলা পরিষদ নির্বাচন বিধিমালা, ২০১৩ এর বিধি ৫০ এর উপ-বিধি (৩) এর অধীন সম্ভাব্য উৎসের বিবরণীর কপি, উপ-বিধি (১), (২) এ উল্লিখিত সম্পদ বিবরণী সম্বলিত আয়কর রিটার্নের প্রত্যায়িত অনুলিপি এবং আয়কর পরিশোধের প্রমাণপত্রের কপি রিটার্নিং অফিসারের কাছে দাখিল করতে হবে।

৫। **সম্পূর্ণক বিবরণী দাখিল:** যদি প্রতিদ্বন্দ্বী প্রার্থী উপ-বিধি (১) এর অধীন দাখিলকৃত বিবরণীতে উল্লিখিত কোন উৎস ব্যতীত অন্য কোন উৎস হতে কোন অর্থ প্রাপ্ত হন, তাহলে তিনি অনুরূপ অর্থ প্রাপ্তির পর তা নির্বাচনি ব্যয়ের রিটার্ন দাখিলের সাথে এরূপে প্রাপ্ত অর্থ এবং প্রাপ্তির উৎস উল্লেখ করে একটি অতিরিক্ত বিবরণী রিটার্নিং অফিসারের নিকট দাখিল করবেন এবং অনুরূপ বিবরণী রিটার্নিং অফিসারের নিকট দাখিলের সময় তাকে তার একটি কপি রেজিস্টার্ড ডাকযোগে কমিশনের নিকট প্রেরণ করতে হবে।

অফিসের ঠিকানা :

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগ :

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইল : secretary@ecs.gov.bd ওয়েব এড্রেস : www.ecs.gov.bd

৬। উপজেলা পরিষদ নির্বাচনে প্রার্থীর ব্যক্তিগত খরচ নেই।

৭। **নির্বাচনি ব্যয়ের সীমা:** উপজেলা পরিষদ নির্বাচনে চেয়ারম্যান বা ভাইস চেয়ারম্যান পদে প্রতিদ্বন্দ্বী প্রার্থীর তাহার নির্বাচনের উদ্দেশ্যে নির্বাচনি ব্যয় বাবদ অনধিক ২৫ (পঁচিশ) লক্ষ টাকা ব্যয় করতে পরিবেন।

৮। **নির্বাচনি ব্যয় সম্পর্কে প্রার্থীদের অবহিতকরণ:** প্রার্থীদের নির্বাচনি ব্যয়সীমার পরিমাণ ও নির্বাচনি ব্যয়ের সম্ভাব্য উৎসের বিবরণী মনোনয়নপত্রের সাথে দাখিলের বিষয়টি প্রার্থীদের অবহিত করা এবং প্রার্থীর উক্ত তথ্যাদি নির্বাচন কমিশন ও রিটার্নিং অফিসার ভোটারদের মাঝে ব্যাপক প্রচার করবেন। অনলাইনে মনোনয়নপত্র দাখিলকারী সকলকে তা অবহিত করতে হবে।

৯। **নির্বাচনি অর্থ ব্যয়:** বিধি ৫১ এর উপ-বিধি (২) অনুসারে কোন প্রতিদ্বন্দ্বী প্রার্থীর নির্বাচনি এজেন্ট ছাড়া, অন্য কোন ব্যক্তি উক্ত প্রার্থীর নির্বাচন বাবদ অর্থ ব্যয় করতে পারবেন না।

১০। **নির্বাচনি ব্যয়ের অর্থ খরচের বিধি নিষেধসমূহ:** কোন প্রার্থীর নির্বাচনি ব্যয় নিম্ন বর্ণিত খাতে ব্যয় করা যাইবেনা:

- (ক) ক্যালেন্ডার বা প্রচারপত্র ছাপানোর জন্য;
- (খ) নির্ধারিত সাইজ হতে বড় সাইজের পোস্টার ছাপানোর জন্য;
- (গ) গেইট, তোরণ বা ঘের তৈরীর জন্য;
- (ঘ) ইউনিয়ন বা পৌরসভার ওয়ার্ড পর্যায়ে প্রতিটি নির্বাচনি ক্যাম্প বা অফিসের আয়তন ৬ (ছয়) শত বর্গফুটের অধিক আয়তন বিশিষ্ট প্যান্ডেল স্থাপন। কেন্দ্রীয় ক্যাম্প বা অফিসের আয়তন ১২ (বারো) শত বর্গফুটের অধিক স্থাপনের জন্য;
- (ঙ) উপজেলার এলাকাভুক্ত প্রতিটি ইউনিয়নে ১ (এক) টির অধিক এবং পৌরসভার এলাকায় প্রতি ৩টি ওয়ার্ডে ১ (এক) টির অধিক নির্বাচনি ক্যাম্প বা অফিস স্থাপন করার জন্য ঐ সমস্ত ক্যাম্প বিনোদনের জন্য টেলিভিশন/ ভিসিআর প্রদর্শনের জন্য;
- (চ) ভোটের জন্য ধার্য তারিখের যে কোন সময় যে কোন প্রকারের নির্বাচনি প্রচার শুরু করার জন্য; প্রতীক বরাদ্দের পূর্বে জনসংযোগ এবং ডিজিটাল বা সামাজিক যোগাযোগের মাধ্যমে নির্বাচনি প্রচার ব্যাতিত
- (ছ) ভোটারদের যে কোন প্রকারের আপ্যায়নের জন্য;
- (জ) কোন মিছিল বের করার লক্ষ্যে ট্রাক, বাস, মিনিবাস, কার, ট্যাক্সি, মটর সাইকেল, স্পীডবোট, নৌযান, ইত্যাদি ব্যবহারের জন্য;
- (ঝ) কোন ভোটকেন্দ্রে বা ভোটকেন্দ্র হতে ভোটারদের আনা নেওয়ার জন্য যে কোন প্রকারের যানবাহন, জলযান ভাড়া করা বা ব্যবহারের জন্য;
- (ঞ) যে কোন প্রকার বিদ্যুৎ ব্যবহার করে আলোক সজ্জার জন্য;
- (ট) নির্বাচনি প্রচারাভিযানে বিজ্ঞাপনের মাধ্যম হিসেবে কালি বা রঙ দিয়ে বা অন্য কোন প্রকারে লেখার জন্য;
- (ঠ) নির্বাচনি প্রচাপত্র বা পোস্টার বা লিফলেটে পলিথিনের আবরণ এবং প্লাস্টিক ব্যানার (পিভিসি ব্যানার) ব্যবহার করা যাইবেনা।
- (ড) কোন সড়ক কিংবা জনগণের চলাচল ও সাধারণের ব্যবহারের জন্য নির্ধারিত স্থানে নির্বাচনি ক্যাম্প বা অফিস স্থাপন করা যাইবে না।
- (ণ) **ভোটগ্রহণের দিন নির্বাচনি ক্যাম্প বা অফিস পরিচালনার জন্য তবে ভোটকেন্দ্র ভিত্তিক ভোটারদের স্লিপ সরবরাহ করার জন্য ক্যাম্প বা অফিস এর আওতাভুক্ত হবে না।**

১১। **রাজনৈতিক দল কর্তৃক নির্বাচনি ব্যয় সীমা এবং সকল আয়-ব্যয়ের হিসাব সংরক্ষণ:** উপজেলা পরিষদ নির্বাচন বিধিমালা, ২০১৩ এর বিধি ৫১ক এর উপ-বিধি (১) অনুসারে নির্বাচনের জন্য প্রার্থী মনোনয়ন প্রদানকারী প্রত্যেক রাজনৈতিক

দল বিধি ১০ এর উপ-বিধি (১) এর অধীন সময়সূচি সংক্রান্ত প্রজ্ঞাপন প্রকাশিত হবার তারিখ হতে যে সকল নির্বাচনি এলাকায় প্রার্থী মনোনয়ন প্রদান করেছে সে সকল নির্বাচনি এলাকায় নির্বাচন সমাপ্ত হওয়া পর্যন্ত তার সকল আয় ও ব্যয়ের যথাযথ হিসাব সংরক্ষণ করবে এবং এরূপ হিসেবে কোন প্রার্থী বা কোন মনোনয়ন প্রত্যাশী বা অন্য কোন ব্যক্তি, সংস্থা বা প্রতিষ্ঠান হতে দান বাবদ প্রাপ্ত টাকা যথাযথভাবে দেখাতে হবে।

(২) উপ-বিধি (১) এ উল্লিখিত প্রত্যেক রাজনৈতিক দলের তহবিল কোন তফসিলি ব্যাংকে জমা রাখতে ও সংরক্ষণ করতে হবে।

(৩) কোন রাজনৈতিক দল উপ-বিধি (১) এ উল্লিখিত সময়ের মধ্যে, নির্বাচনের উদ্দেশ্যে, তদকর্তৃক মনোনীত প্রতিদ্বন্দ্বী প্রার্থীগণের জন্য নির্বাচনি ব্যয়সহ, প্রার্থীর মনোনয়ন প্রদান সাপেক্ষে প্রতি উপজেলার জন্য ৫,০০,০০০/- (পাঁচ লক্ষ) টাকার অধিক ব্যয় করতে পারবে না।

(৪) কোন রাজনৈতিক দল ২০ (বিশ) হাজার টাকার অধিক পরিমাণের কোন দান চেক ব্যতীত গ্রহণ করতে পারবে না।

(৫) যদি কোন রাজনৈতিক দল এই বিধির কোন বিধান লংঘন করে, তা হলে উক্ত রাজনৈতিক দল অনধিক ৫ (পাঁচ) লক্ষ টাকা অর্থ দণ্ডে দণ্ডনীয় হবে।

১২। **নির্বাচনি ব্যয়ের জন্য ব্যাংক একাউন্ট খোলা এবং অর্থ ব্যয় করা:** উপজেলা পরিষদ নির্বাচন বিধিমালা, ২০১৩ এর বিধি ৫২ অনুসারে প্রত্যেক নির্বাচনি এজেন্ট বা যেক্ষেত্রে প্রার্থী স্বয়ং তার নির্বাচনি এজেন্ট সেক্ষেত্রে প্রতিদ্বন্দ্বী প্রার্থী ব্যক্তিগত খরচ ব্যতীত নির্বাচনি ব্যয় পরিচালনার উদ্দেশ্যে মনোনয়নপত্র দাখিলের পূর্বেই কোন তফসিলি ব্যাংকে একটি স্বতন্ত্র হিসাব (একাউন্ট) খুলবেন এবং উক্ত একাউন্ট হতে ব্যক্তিগত খরচ ব্যতীত নির্বাচনি ব্যয়ের নিমিত্ত সকল অর্থ প্রদান করতে হবে। উল্লেখ্য যে, মনোনয়ন ফরমে প্রার্থীর ব্যাংক একাউন্ট লিপিবদ্ধ করার বিধান রয়েছে।

১৩। **নির্বাচনি ব্যয়ের রিটার্ন, হলফনামা ইত্যাদি দাখিল এবং দাখিলের সময়সীমা:** উপজেলা পরিষদ নির্বাচন বিধিমালা, ২০১৩ এর বিধি ৫৩ এর উপ-বিধি (১) অনুসারে প্রত্যেক প্রতিদ্বন্দ্বী প্রার্থীর নির্বাচনি এজেন্ট, বিধি ২৪ বা ক্ষেত্রমত, বিধি ৪৫ অনুযায়ী নির্বাচিত প্রার্থীর নাম ঘোষিত হবার তারিখ হতে ৩০ (ত্রিশ) দিনের মধ্যে, রিটার্নিং অফিসারের নিকট নির্ধারিত ফরম-গ তে নির্বাচনি ব্যয়ের একটি রিটার্ন দাখিল করবেন, যাতে নিম্নবর্ণিত তথ্যাদি উল্লেখ থাকবে, যথা:-

(ক) প্রত্যেক দিনে ব্যয়িত অর্থের সকল বিল ও রসিদসহ একটি বিবরণী;

(খ) বিধি ৫২ এর দফা (ক) এর অধীন খোলা হিসাবে জমাকৃত এবং উত্তোলিত অর্থের ব্যাংক কর্তৃক প্রদত্ত হিসাব বিবরণীর একটি কপি;

(গ) প্রতিদ্বন্দ্বী প্রার্থী কর্তৃক কৃত, যদি থাকে, ব্যক্তিগত খরচের মোট পরিমাণ;

(ঘ) নির্বাচনি এজেন্ট অবহিত আছেন এরূপ সকল বিতর্কিত দাবীর একটি বিবরণী;

(ঙ) নির্বাচনি এজেন্ট অবহিত আছেন এরূপ সকল অপরিশোধিত দাবীর, যদি থাকে, একটি বিবরণী; এবং

(চ) নির্বাচনি খরচের জন্য যে কোন উৎস হতে প্রাপ্ত সকল অর্থ, তা প্রাপ্তির প্রমাণসহ ও উক্তরূপ প্রাপ্ত অর্থের প্রত্যেক উৎসের নাম উল্লেখ করে একটি বিবরণী।

(২) উপ-বিধি (১) এর অধীন দাখিলকৃত নির্বাচনি ব্যয়ের রিটার্নের সহিত যেক্ষেত্রে প্রতিদ্বন্দ্বী প্রার্থী স্বয়ং তার নির্বাচনি এজেন্ট, সেক্ষেত্রে প্রার্থীর হলফনামা ফরম 'ত' অনুসারে; যেক্ষেত্রে প্রতিদ্বন্দ্বী প্রার্থী নির্বাচনি এজেন্ট নিয়োগ করেন, সেক্ষেত্রে প্রার্থীর হলফনামা ফরম 'ত-১' অনুসারে এবং নির্বাচনি এজেন্টের হলফনামা ফরম 'ত-২' অনুসারে সংযুক্ত করতে হবে।

(৩) নির্বাচনি এজেন্ট উপ-বিধি (২) এ উল্লিখিত হলফনামার একটি কপিসহ উপ-বিধি (১) এর অধীন দাখিলকৃত রিটার্নের একটি কপি, রিটার্নিং অফিসারের নিকট দাখিলের সময় রেজিস্টার্ড ডাকযোগে কমিশনের নিকট প্রেরণ করবেন।

১৪। নির্বাচনি ব্যয়ের রিটার্ন দাখিল, নির্বাচনি ব্যয়ের সীমা ও ক্ষেত্র, ইত্যাদি প্রার্থী/ প্রতিদ্বন্দী প্রার্থীগণকে অবহিত করা: রিটার্নিং অফিসারকে সকল প্রতিদ্বন্দী প্রার্থী বা তাঁর নির্বাচনি এজেন্টকে উল্লিখিত নির্বাচনি ব্যয়ের রিটার্ন দাখিলের পদ্ধতি, নির্বাচনি ব্যয়ের সীমা, সময়সীমা এবং ক্ষেত্রসমূহ অবহিত করবেন। প্রতিদ্বন্দীপ্রার্থীগণ যাতে উল্লিখিত কাজ যথাসময়েও যথানিয়মে প্রতিপালন করেন তার নিশ্চয়তা বিধান করতে হবে।

১৫। নির্বাচনি ব্যয়ের তথ্য সংরক্ষণ ও প্রকাশ: উপজেলা পরিষদ নির্বাচন বিধিমালা, ২০১৩ এর বিধি ৫৪ এর উপ-বিধি (১) অনুসারে রিটার্নিং অফিসার বিধি ৫৩ এর অধীন দাখিলকৃত নির্বাচনি ব্যয়ের রিটার্ন তাঁর অফিসে বা তাঁর বিবেচনায় উপযুক্ত অন্য কোন সুবিধাজনক স্থানে সংরক্ষণ করবেন। উক্ত রিটার্ন নির্ধারিত ফিস প্রদান সাপেক্ষে, নির্বাচনি ফলাফল গেজেটে প্রকাশের পরবর্তী ৩০(ত্রিশ) দিন সময়কাল পর্যন্ত অফিস চলাকালীন সময়ে যেকোন ব্যক্তির পরিদর্শনের জন্য উন্মুক্ত থাকবে।

(২) বিধি ৫৪ এর উপ-বিধি (১) এর অধীন সংরক্ষিত নির্বাচনি ব্যয়ের রিটার্ন বা তার কোন অংশের কপি নির্ধারিত ফিস, বিধি ৪৭ এ নির্ধারিত ফিস (প্রতি পৃষ্ঠা বাবদ একশত টাকা) প্রদান সাপেক্ষে, যে কোন ব্যক্তিকে সরবরাহ করা যাবে।

(মোঃ আতিয়ার রহমান)

উপসচিব

নির্বাচন পরিচালনা-২ অধিশাখা

ফোন: ৫৫০০৭৫২৫ (অফিস)

E-mail: ecsemc2@gmail.com

প্রাপক:

- ১। অতিরিক্ত জেলা প্রশাসক (সার্বিক)/অতিরিক্ত জেলা ম্যাজিস্ট্রেট
..... (সংশ্লিষ্ট) ও রিটার্নিং অফিসার
- ২। সিনিয়র/জেলা নির্বাচন অফিসার/অতিরিক্ত আঞ্চলিক নির্বাচন
অফিসার/অতিরিক্ত জেলা নির্বাচন অফিসার..... (সকল)
ও রিটার্নিং অফিসার
- ৩। উপজেলা নির্বাহী অফিসার (সকল)
ও সহকারী রিটার্নিং অফিসার
- ৪। সহকারী কমিশনার (ভূমি)..... (সংশ্লিষ্ট)
ও সহকারী রিটার্নিং অফিসার
- ৫। উপজেলা নির্বাচন অফিসার..... (সকল)
ও সহকারী রিটার্নিং অফিসার

নং-১৭.০০.০০০০.০৭৯.৪০.০০২.২৪-১৬৪

তারিখ: ২১ চৈত্র ১৪৩০
০৪ এপ্রিল ২০২৪

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ভিত্তিতে নয়):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়/মুখ্য সচিব, প্রধানমন্ত্রীর কার্যালয়, ঢাকা
২. গভর্নর, বাংলাদেশ ব্যাংক, ঢাকা
৩. প্রিন্সিপাল স্টাফ অফিসার, সশস্ত্রবাহিনী বিভাগ, ঢাকা সেনানিবাস, ঢাকা
৪. সিনিয়র সচিব, মন্ত্রণালয়/বিভাগ (সকল)
৫. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৬. সচিব, রাষ্ট্রপতির কার্যালয়, বঙ্গভবন, ঢাকা
৭. সচিব, মন্ত্রণালয়/বিভাগ (সকল)
৮. অতিরিক্ত সচিব, নির্বাচন কমিশন সচিবালয়, ঢাকা
৯. মহাপরিচালক, বিজিবি/আনসার ও ভিডিপি/র্যাপিড এ্যাকশন ব্যাটালিয়ন (র্যাব)/কোস্টগার্ড, ঢাকা
১০. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
১১. বিভাগীয় কমিশনার, (সকল)
১২. উপমহাপুলিশ পরিদর্শক, রেঞ্জ (সকল)
১৩. যুগ্মসচিব (সকল), নির্বাচন কমিশন সচিবালয়, ঢাকা
১৪. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৫. সিস্টেম ম্যানেজার, নির্বাচন কমিশন সচিবালয়, ঢাকা [ওয়েব সাইটে প্রকাশের প্রয়োজনীয় ব্যবস্থা গ্রহণের অনুরোধসহ]

১৬. পরিচালক (জনসংযোগ) ও যুগ্মসচিব, নির্বাচন কমিশন সচিবালয়, ঢাকা
১৭. জেলা প্রশাসক,(সংশ্লিষ্ট) ও আপিল কর্তৃপক্ষ
১৮. আঞ্চলিক নির্বাচন কর্মকর্তা, (সকল)
১৯. পুলিশ সুপার,(সকল)
২০. উপসচিব (সকল), নির্বাচন কমিশন সচিবালয়, ঢাকা
২১. জেলা কমান্ড্যান্ট, আনসার ও ভিডিপি, (সকল)
২২. জেলা তথ্য অফিসার, (সকল)
২৩. মাননীয় প্রধান নির্বাচন কমিশনার-এর একান্ত সচিব, নির্বাচন কমিশন সচিবালয়, ঢাকা (প্রধান নির্বাচন কমিশনার মহোদয়ের সদয় অবগতির জন্য)
২৪. মাননীয় নির্বাচন কমিশনার জনাব -এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার মহোদয়ের সদয় অবগতির জন্য)
২৫. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
২৬. সিনিয়র সহকারী সচিব/সহকারী সচিব (সংশ্লিষ্ট), নির্বাচন কমিশন সচিবালয়, ঢাকা
২৭. নির্বাচন কমিশন সচিবালয়ের সকল কর্মকর্তা।
২৮. অফিসার ইনচার্জ, (সকল)

১. ২৪/৪/২০২৪

(মোহাম্মদ শাহজালাল)

সিনিয়র সহকারী সচিব

নির্বাচন ব্যবস্থাপনা ও সমন্বয় শাখা-২

ফোন ও ফ্যাক্সঃ ০২-৫৫০০৭৫৫৯

e-mail: ecsemc2@gmail.com